



Niuspepa bilong ol Papua Niugini stret

Wantok 12t

INSAIT

Aba long Fiji p.14

Prais long ol stua p.12

Ol Mogeï-Komunuka singautim

Bot Pipel



Poto i soim Kaunsila Andrew Dokta wantaim meri, pikinini bilong em. Ol Mogeï - Komunuka makim Andrew long bringim ol pas i go long Provinsal Gavman. Andrew i holim ol pas long han bilong em.

Poto - A. Steffen

Nambawan Nesene! Jas

Praim Minista na Minista bilong Jastis, Mista Michael Somare i makim pinis wanpela nupela Jas bilong PNG yet i go long Nesene! na Supreme Kot bilong Mosbi.

Em i makim Mista Mari Kapi, krismas bilong em 29, bilong Keapara Viles long Sentral Provins. Mista Kapi i marit na i gat 2-pela pikinini.

Mista Kapi bai stat long wok bilong em olsem Jas long namba 1 de bilong mun Desemba.

Taim Mista Somare i makim Mista Kapi em

i tok em amamas tru long makim Mista Kapi olsem nambawan Jas bilong PNG stret.

Mista Kapi em i

Mista Mari Kapi

I go moa long pes 2

Ol pipel insait long lain wan pisin-Mogeï Komunuka bilong Westen Hailans i laik tru long helpim sampela ol tarangu bot-pipel. Wan wan man i redim pinis hap graun long givim ol bot-pipel bai ol i ken painim gupela sindaun.

Insait long wanpela kibung long wik i go pinis, olgeta pipel insait long Mogeï-Komunuka lain i raitim wan wan pas na ol i givim long Kaunsila bilong ol, Mista Andrew Dokta. Em bai i bringim i go long Westen Hailans Provinsal Gavman.

Long ol dispela pas ol pipel i tokim Provinsal Gavman olsem ol i laik helpim ol bot pipel. Ol bot pipel i kam long Vietnam, wanpela kantri long Asia. Ol i kisim nem Bot Pipel bikos ol i ranawe painim nupela kantri long ol liklik bot. Long wanem ol i no inap bihainim narapela rot. Ol soldia bilong Vietnam i was long boda mak long kilim wanem man i laik ranawe.

stap na ol i no gat inap graun long larim ol i sindaun long en. Kantri olsem, Thailan, Malaysia i bin rausim planti ol bot-pipel i go bek long bik solwara taim ol i kamap pinis long nambis bilong ol. Tasol taim ol i go drip gen long solwara planti ol i painim taim nogut na i lus olgeta long bik-solwara.

Tasol Thailan na Malaysia i kisim pinis

moa long 200 tausen bot-pipel na planti moa i wok long drip i kam long nambis bilong tupela kantri.

Hong Kong i kisim pinis moa long 75 tausen bot-pipel i kam long kantri bilong ol. Australia i kisim pinis 30 tausen bot-pipel. Na Indonesia i kisim moa long 40 tausen bot-pipel i kam insait long kantri bilong ol.

I go long pes 2

Stat long yia 1975 i go inap nau Yunaitet Nesens Opis bilong helpim ol ranawe man i bin helpim pinis 185 tausen bot-pipel. Ol i helpim ol long painim nupela kantri na nupela ples long sindaun.

Moa long 300 tausen bot-pipel i krai i stap yet long ol kem nabaut long Malaysia, Thailan, Hong Kong na ol arapela kantri klostu long Vietnam. Ol i ranawe long Vietnam.

Ol kantri husat i stap klostu long Vietnam, i het pen pinis long wanem planti bot-pipel i pulap i

Investment Corporation of Papua New Guinea

Smatpela man i save baim sea long Invesmen Koporesen Sapos yu laik save moa rait i kam long P. O. Box 155, Port Moresby.





BOT PIPEL

Ol Moge-Komunukai tokaut pinis ol i laikim sampela bot pipel i kam sindaun wantaim ol. Ol i bung pinis. Ol i pasim tok pinis. Ol i makim pinis graun bilong ol. Pas i redi long go long Provinsal Gavman. Ol i laik askim Provinsal Gavman long helpim ol long bringim ol bot pipel i kam.

Tasol Nesenel Gavman i tok pinis ol i no laikim sampela Bot Pipel i kam sindaun long PNG. Ol i wari long planti samting. Ol i wari nogut sampela tok kros o pait i kamap namel long ol as ples na ol bot pipel. Ol i wari long sampela bot pipel i kam kisim wok bilong ol PNG manmeri. Ol i wari long sampela sik i kam insait long PNG.

I tru i gat planti wari. I tru em i hat wok liklik long ol man long painim nupela sindaun. Tasol sapos PNG i no tok orait long sampela bot pipel i kam insait long kantri bai yumi karim draipela sem long ai bilong ol arapela kantri.

Ol Thailan i kisim pinis ol bot pipel. Ol Hong Kong i kisim pinis. Ol Malaysia i kisim pinis. Ol philipine i kisim pinis. Indonesia i kisim pinis. Australia i kisim pinis. Ol PNG nogat.

Yumi tok yumi Kristen kantri. Yumi tok yumi olgeta i gat wanpela papa. Yumi tok yumi olgeta pikinini bilong God.

Nau em i taim long soim Kristen pasin. Nau em i taim bilong tingim dispela tok bilong Gud Nius "Mi man bilong narapela ples na yupela givim haus long mi.....Yupela i gat blesing bilong Papa bilong mi, yupela kam kisim kindom Papa i bin redim na mekim bilong yupela pinis."(Mt. 25 - 34)

I kam long pes 1

PNG tasol i no kisim o helpim sampela ol tarangu bot-pipel. Gavman bilong yumi i tok ol bai i no inap larim ol bot-pipel

i kam insait long PNG. Nau sampela pipel bilong PNG i laik kisim ol bot-pipel i kam insait tasol lo i pasim ol.

Ben Skorpio

I kam long pes 1

kisim digri bilong Lo long Yunivesiti bilong PNG long yia 1973. Bihain long em i pinis long Yunivesiti em i mekim gutpela wok insait long wok bilong lo long Mosbi na Rabaul. Em i raun tu long

planti hap bilong Amerika, Ingran na Japan.

Mista Somare i tok planti man long PNG i amamas long nambawan man i kisim bikpela wok long bosim lo long PNG.

Lily Tabua

Nesenel Niuspepa long Tok Pisin Nius i kamap long olgeta wik

Editorial
P.O. Box 1982
Boroko
Ph. 25 2500
Telex NE 22213

Advertising
Australia
Central Media Sales
Sydney
Ph. 436 1000
Telex AA23211
Pe bilong wan yia
Mosbi - K9.50
P.N.G. - K13.00



Bot Pipel

Poto - A. Steffen

Poto antap i soim ol Moge Komunuka i bung long pasim toktok long kisim ol bot pipel. Ol man i laik kisim ol bot pipel i putim han antap. Poto daunbilo Alfons Kari i soim graun em i laik givim long ol bot pipel long sindaun long en.



TAMBU TORO

TORO KAUNIM NIUSPEPA I STAP.



OL BOT PIPEL...



Lome Kibung

Yuropean Ikonmik Komuniti (E.E.C.) i makim pinis 10 milien kina long kamapim ol sampela wok insait long PNG. Mista Jochem Zuidberg, wanpela tokman bilong Yuropean Ikonmik Komuniti i tok olsem.

Em i tok 3 milien kina bai i go long wok bilong kamapim kaikai insait long hap bilong Mosbi. Narapela 1 milien kina bai go long kirapim bisnis bilong painim pis insait long solwara bilong PNG.

Narapela 1 milien kina bai go long wok bulmakau. Ol i laik mekim sampela stadi long ol wok bulmakau long Rigo, Popondetta, na Bogia. Narapela 1 milien kina bai go insait long wokim rot i go long Galp Provins na ol sampela arapela wok bilong Galp Provins. Narapela 400 tausen kina bai go long givim moa trenin long ol lokal opisa bilong PNG. Narapela hap mani bai i go long kamapim ol selp-help projek na long ol teknikel wok insait long kantri.

Dispela progrem wokim kamap long bai go long Gavman progrem bilong ol.

Tasol E.E.C. i ting bai PNG Gavman i gat sampela senis ol i laik

E.E.C. em i wanpela nem bilong 9-pela Yuropean kantri hu-

sat i save baim ol samting ol arapela lain kantri ol i kolim A.C.P. (Afrikan, Karibbean, Pasifik) kantri i wokim. PNG em i wanpela kantri i memba long A.C.P. Ol A.C.P. kantri i save mekim bikpela wok long kopra, kapa, gol, kopi na ol arapela kain samting olsem.

Long Trinde 31, Oktoba tupela lain hia (E.E.C. na A.C.P.) i yesa pinis long nubiksiti Lome, long Toga, Afrika. Long dispela kontrak tupela lain kantri hia i orait long baim ol samting ol arapela lain kantri i wokim. Na tu taim ol i wok long baim na salim samting, Gavman i no ken put-

im takis i go antap long pe bilong ol samting.

Na tu long kibung ol i pasim toktok long ol A.C.P. kantri i ken kisim helpim long ol E.E.C. kantri. PNG i kamap memba long A.C.P. long 1978. Solomon Ailan, Fiji, Tonga, Kiribat, Westen Samoa i memba tu long A.C.P.

Long yia 1977 E.E.C. i baim 27.4 pesen long olgeta kopra, kapa, kopi, kakoa, ti na wel pam PNG i wokim. Na long 1977 PNG i baim 5.7 pesen long ol samting ol E.E.C. kantri i wokim long faktori bilong ol.

Ol dispela samting i soim olsem PNG i mekim gutpela bisnis wantaim ol E.E.C.

Ben Skorplo



Balus hia ol i kolim 'Wirraway' i stap long nupela museum (haus bilong bungim ol olpela samting) long Mosbi. Mista Bill Chapman, maneşa bilong Chapmans Pharmacy, Boroko i kisim dispela balus long Australia taim ol i salim wanpela balus bilong Japan (Zero) i go long ol Australia. 'Wirraway' em i wanpela balus ol Australia i yusim long taim ol i pait wantaim ol Japan hia long PNG. Dispela balus i save pait wantaim wanpela balus bilong Japan ol i kolim 'Zero'. Sapos yu laik lukim dispela balus yu ken go lukim long Godons, Mosbi.

NIUS - NIUS - NIUS - NIUS - NIUS - NIUS

☆ **BENG LONG BEREINA** - PNG Bengin Koporesen, i opim wanpela nupela han opis long Bereina long Sentral Provins. Ol i opim long 31, Oktoba. Mista Albert Gangi, bilong Is Sepik Provins, em i maneja na Mista Jacob Aeno, bilong Isten Hailans em namba tu long em.

☆ **LIMEFRESH RESIS** - Gini Gibson Uru, Junior; C/- John Nou, P.S.C. Waigani i win long 26 Oktoba. Long Fride 2 Novemba Mista Ila Ila P.S.C. Trenin Senta. P.O. Wards Strip, i winim K100. Na Mista John Sambre, C/- George Seto & Co., P.O. Box 62, Wewak. i winim Radio.

☆ **TOLAI LIDA INDAI** - Ephraim Jubilee, wanpela lida na Magistret bilong ol Tolai i dai pinis long Rabaul long Trinde 17, Oktoba, bihain tasol long em i kisim bikpela sik. Long 1941 Ephraim i kisim wok tisa na bihain em i wok olsem man i bosim na ranim Viles Kot long Is Nu Briten.

☆ **KOPRA PRAIS PUNDAUN** - Pe bilong kopra i pundaun pinis. Long Nov. 1 Kopra Bod i daunim pe bilong wan tan kopra long K26 olgeta. Olsem nupela pe bilong kopra long ol bikpela bris em olsem; Gren (Not Air) K286 long wan tan, Blak (F.M.S.) K283; na Ret (Smok) K281.

☆ **SIK MALARIA** - Wol Helt Oganasesin i painim olsem marasin ol i kolim klorokin i no inap kilim indai sik malaria long Not Solomons Provins. Ol i painim aut olsem ol kantri bilong Westen Pasifik i no skelim inap mani insait long baset bilong ol long daunim sik malaria.

☆ **NUPELA SIEF JASTIS** - Long Fonde Nov. 1, Praim Minista i makim narapela jas, Mista Mastis Wooten long kamap Sief Jastis bilong PNG. Mista Jastis Wooten em i Siaman bilong Nu Saut Wales Lo Rifom Komisin na bipo em i kam lukim PNG planti taim. Em i wok long Manus long 6-pela mun long stadi long ol kastam bilong ol Manus. Em bai statim wok olsem long Sief Jastis Julai 1, 1980.

☆ **STRETIM OL PLISMAN** - Memba bilong Chuave, Mista Robert Yabara i tok sapos PNG i laikim gutpela wok i kamap long Plis Fos orait Gavman i mas redi long apim pe bilong ol, givim nupela unifom long ol, stretim haus bilong ol na wokim gutpela opis bilong ol. Em i tok sindaun bilong plis long Mosbi na long olgeta arapela Provins long PNG i nogut tru. Olsem long baset bilong narapela yia planti mani i mas go insait long wok bilong Plis Fos.

☆ **WAN ENSIN BALUS** - Memba bilong Obura-Wonenara, Mista Lennie Aparimai, i tok kros long dispela tok bilong Mista Pius Wingti, Minista bilong Transport, long pinisim ol wan ensin balus long PNG. Em i tok planti hap insait long bus bilong PNG i no gat gutpela rot na liklik balus tasol i inap helpim ol pipel. Sapos Minista bilong Transport i laik pinisim ol wan ensin balus orait em i mas wokim gutpela rot i go long ol dispela ples, em i tok.

No Ken Daunim Bisop

"Evenselikal na Gutnius Luteran Sios insait long Papua Niugini i no inap bungwantaim. Tupela Het Bisop bilong dispela tupela sios i no rong long brukim ol pipel bilong tupela. So plis noken daunim lidasip bilong tupela Bisop o sutim tok long tupela."

Dispela toktok i kam long wanpela tokman bilong Evenselikal Luteran Sios bilong Papua Niugini Studen i stap long Univesiti ov Papua Niugini. Tokman i bekim ol toktok em Mr Mike Mapusia i mekim long "Wantok, Sarere 13 Oktoba, 1979."

Mista Jerry Daniel i tok, "tupela Het Bisop bilong dispela tupela sios i no inap long bungim tupela sios long laik bilong tupela yet. Yu save ol sios i gat Distrik Seket, Paris na Kongrigesen. Ol dispela man i mas bung pastaim na pasim tok. Bihain ol i mas bung wantaim ol Sios Kaunsil, Bisop Kaunsil na Senet. Tasol nau, em tupela Bisop i wok olsem Siaman tasol. Na mipela i noken tok nating long tupela Bisop long bungim tupela sios."

Mr Daniel i tok olsem Mr Mapusia i nogat gutpela tingting long toktok bilong em. "Mi lukim olsem em i pilai politikis tasol, na i no lukluk long wanem samting tru i pasim tupela sios long bung wantaim."

"Pasto bilong Pasto, em i wok tru bilong Bisop. Wok bilong ol tru long givim kaikai long sipsip bilong ol, na ol i no ken wari tumas long politikis. Ol Bisop i mas wok long lukautim, helpim na strongim ol pasto. Em i as wok tru bilong ol Bisop", Mr Daniel i tok.

Mapusia i tok olsem sapos tupela Bisop i pinis wok bilong Bisop bai olgeta samting i kamap gut kwiktai tru. Mista Daniel i tok, "Mi no klia gut long wanem tingting bilong Mista Mapusia na i tok olsem."

A.R. Rumber

OL PAS



Ol Lain Awi I Pasindia Nating Tasol

Dia Edita — Inap you givim mi laiklik spes long putim wari bilong mi. Em nau, wari bilong mi i go olsem.

Hia long Not Solomans Provins, long ai bilong mi, mi lukim planti ol Hailans man na ol i bilong Enga Provins. Ol i save kam wok long BCL, na taim kampani i pinisim ol, ol i save kamap pasindia gen.

Ol lain Enga ya i no save slip long kem, ol i save go slip long bus. Na long san ol i save go wetim ol wantok bilong ol long taun. Long taim bilong kaikai long apinun nau, ol i save kam wetim ol wantok bilong ol long kisim kaikai.

Ol wantok bilong ol dispela lain Enga pasindia i save kisim kaikai i go na givim long ol. Long ai bilong mi, mi ting dispela pasin em i no

Asua bilong spakman

Dia Edita — Mi laik sapotim toktok bilong brata ya, Hasengi bilong Lae i kamap long Wantok Nius bilong 4 Ogas, 1979.

Mi laik skruim maus bilong em na toktok long pas bilong narapela brata ya, S. Sauta i kamap long Wantok Nius bilong 5 Me, 1979.

Yes S. Sauta, yu tok ol plisman i long-long olsem na ol i no save helpim ol spakman na bringim ol i go long haus bilong ol. Mi laik tokim yu olsem, taim yu sindaun long haus, ol plisman i no kam long haus na tokim yu long go long hotel na dring spak. Na taim yu dring pinis, ol plisman i ken bringim yu long haus. Nogat. Em i laik bilong yu yet na yu go na dring spak nogut tru.

Ol plisman i no sanap baksait long yu na tok, yu dring hariap. Nogat. Em laik bilong yu yet na yu dring. Tairi yu dring, yu mas yusim het bilong yu. Sapos yu pilim olsem, yu dring inap pinis, orait, yu mas wokabaut i go stret long haus.

Yu no ken apim olsem kol wara, na bihain yu go na slip nabaut long rot. Nogut yu ting, em i wok bilong ol plisman long lukautim yu long bus na kisim yu go long haus. Nogat tru. Yu no ken ekspektim ol plisman long helpim yu oltaim.

Planti taim, mi save lukim ol spakman i ron i go long Plis Stesin na tok, mi gat birua, plis helpim mi. Em i wanem kain pasin tru? Sapos yu gat birua, na bilong wanem yu go long hotel na dring? Maski, sapos yu gat birua, slip tasol long haus na olgeta samting bai orait tasol.

Em tasol long liklik wari bilong mi. Tenkyu.

S: Zemey FMK, Nipa/S.H.P.

gutpela tumas. dispela kain pasin. Ol

Em ol lain Awi tasol i save mekim no save tingting gut

na stap long ples bilong ol yet.

Em tasol long liklik wari bilong mi, sapos yu husat Awi pasindia i lukim dispela pas. Plis, rait tasol i go long Wantok Niuspela na mi ken lukim toktok bilong yu. Tenkyu.

A. K. T., BCL Panguna/N.S.P.

Ol Waitman I No Stupid

Dia Edita — Mi wanpela Katolik Pris (waitman) long Wes Nu Briten Provins. Yes, mi laik skruim pas bilong Saimon Kunde bilong Yokea, long Madang, i kamap insait long Wantok Nius bilong 15 Septemba.

Planti pipel bilong Papua Niugini i save sutim tok kros nating antap long ol waitman, em bikos ol i waitskin. Ol Kristen man na Kristen meri i no kea long skin, maski waitskin o blakskin.

i luk olsem, planti bilong PNG ol i Kristen long nem tasol. Askim ol dispela man i save sutim kranki tok antap long ol waitman. Watpo yumi kolim ol stupid? Bai ol i sarap tasol.

Yes brata, i gat sampela waitman long dispela kantri,

tasol ol i nogut tumas. Tasol, husat i bagarapim Lo na gutpela sindaun bilong ol pipel na kosim planti trabel moa? Em ol sitisen bilong dispela kantri yet i save mekim olsem.

Lukluk raun long ol ples bilong yupela yet na skelim. Sapos i no gat waitman bai yupela no inap sindaun long taiprait o go long Yunivesiti. Sapos i no gat waitman, bai kantri i no gat namba olsem, na bai yupela yet i putim nus long graun.

Mi laik askim tasol: Watpo Gavman i kisim bek gen ol waitman long wok insait long dispela kantri? Em bikos ol i stupid o wanem?

Pas bilong Mista Saimon Kunde i gat gutpela tingting. Kantri bilong yumi PNG i laikim planti man olsem, ol man husat i save yusim gut het bilong ol. Long bikmaus tasol, bai yumi no inap long mekim kantri i go het. Em tasol, tenkyu.

Pater Meinhard Wittwer MSC, C.M. Silang/W.N.B.P.

Bia Bagarapim Sindaun Bilong Ol Pipel

Dia Edita — Inap yu givim liklik spes, bai mi inap long autim liklik wari bilong mi.

Long Wantok Nius namba 286 bilong Sarere 22 Septemba, 1979. Mi bin lukim toktok bilong poroman ya Anton H.J. bilong Bomana, em i sapotim toktok bilong narapela wantok ya, Samson Ginau bilong Angoram, long Is Sepik Provins.

Yes tupela brata, mi laik tokim yutupela olsem. Ating, tingting bilong yutupela i save stap long bia tasol, laka? Long taim bilong tumbuna yet, ating tumbuna bilong yutupela i wokim bia na dring? Olsem na yutupela i wari tumas long bia.

Bia em i no kaikai bilong yutupela. Ating, yutupela i laik dring bia tasol na "so of" long ai bilong ol narapela man. Bia em i no kaikai bilong helpim bodi, olsem na bai yu ken dring bia long olgeta de na nait.

Yes tupela, mi laik tokim yutupela olsem, dispela krai ol meri i wokim long stopim bia, em i no bilong Wewak tasol. Nogat. Em i bilong olgeta hap long olgeta provins long kantri bilong yumi PNG.

Sapos yutupela i no marit, em i gutpela. Tasol, sapos yutupela i mekim olsem, long taim yutupela i marit, bai yutupela i pilim stret.

Planti man i save senisim kain pasin olsem, taim ol i marit. Tasol planti man nogat. Man, olsem wanem? Ating nek bilong yutupela i drai long dring kol wara, tasol yutupela i laik bai yupela i mas dring bia. Ating, yutupela i laikim bai yutupela i kamap bikpela bebi gen ah?

So wantok, dispela wari i no kamap long Wewak tasol. Dispela belhevi i save kamap long olgeta hap bilong kantri. Poro, yu no marit na yu no save long famili laip.

Sapos wanpela man i gat 8 o 9-pela pikinini long famili bilong em, na em i

oltaim dring bia tasol. Bai wanem samting i kamap long ol pikinini i stap long skol? Bai ol i putim ol klos i bruk, na ol i no gat mani na kaikai, ah?

Sapos yu stap long taun, o yu kisim wanpela haus long taun, bai yu mas tingting long lukautim famili bilong yu, rent bilong haus na planti samting moa.

So long tingting bilong mi, mi ting bia em i no gutpela samting. Mobeta ol meri i mas toktok strong long dispela samting. Wantok, mi yet mi no save long dring olsem na mi laik tok, sapos nek bilong yu i drai long kolwara. Yu ken putim kolwara long bokis ais bilong yu na dring.

Em tasol long liklik wari bilong mi. Sapos yu husat man i gat belhevi long toktok bilong mi, orait, rait tasol i go long Wantok Niuspepa. Tenkyu.

Morlyne Frankie Yabi, Wewak/E.S.P.

Giaman Tok

Dia Edita — Inap yupela givim mi liklik hap spes na bai mi bekim pas bilong Mandi Jerry long toktok bilong em. Olsem mipela ol Woda i kukim Bibel bilong ol kalabusman.

Mi wanpela woda bilong Bomana na mi laik bekim pas bilong yu Jerry Mandi, olsem dispela ol toktok bilong yu em i giaman tok tasol, bikos olgeta dispela toktok bilong yu i no gat trupela tok long en.

Ol Bibel mipela i no bin kukim wanpela. Olgeta Bibel i stap. Mi ting olsem yu laik bagarapim nem bilong mipela ol woda tasol. Na tu yu bin tok olsem mipela i no save i go long lotu.

Tambu, mi ken tokim yu stret olsem yu tok yu wanpela Kristen man, tasol nau yu giamanim mipela long dispela ol toktok long ai bilong God na olgeta man tu bikos yu i no lukim long ai bilong yu.

E. Dumu Bomana

EVINRUDE

NAMBAWAN AUTOBOTO MOTO

6H.P 15H.P 25H.P 35H.P

PLANTI SPEA PAT I STAP

PRAIS I DAUNBILO NAU

BAIM TUDE LONG

BOROKO MOTORS

And Subdealers



Wok Golston

Bulolo na Wau i gat biknem bilong wok Gol o wok Golston. Stat long yia 1928 i go inap 1940 planti tausen ol Sepik na Madang i bin wok hia. Sampela i marit hia na i stap yet.

Wok Golston i bin kirap long yia 1922, na em long tupela Wara Koranga na Edie. Tupela ya i hanwara bilong Bulolo Riva. Long dispela taim Mista Sakai Park na Bill Royal i bin painim planti Golston. Wantu tok win bilong dispela i flai i go long Australia na planti handet man i resis i kam.

Tasol long dispela taim i hatwok tru. Oli lusim Sip long klostu long Lae na i wokabaut inap 6-pela de long kamap long Wau. Sampela i dai long rot. Sampela i dai long hangre. Sampela i dai long ol spia na banara bilong ol lokal pipel. Planti i dai long sik. Tasol maski — Gol i pulim ol. Oli laik painim Golston, long wanem, em i win long mani.

Ol waitman ya i baim ol boi. Wan wan man i mas i gat 24 boi long lain bilong em sapos em i laik wok Gol long Graun Gavman i bin makim long em. Bilong lain boi ya 8-pela i wok Gol tru. Na 16 i mas wokabaut i go i kam long Salamauana karim kago. Oli go i kam i wokabaut 3 wik. I no gat samting bilong wok. I no gat gaden na kaikai. Olgeta samting ol i mas wokim long han. Ol waitman tu i slip long bus haus tasol. Tasol maski haus, ol i skrap ol i seksek long Gol tasol. Em i olsem

wanpela sik, wanpela fiva bilong ol.

Na ol i painim planti Gol. Sampela i painim inap long 10 kilo long wan wik. Tude prais bilong 10 kilo i go inap long 100, tausen kina samting.

Bikpela wok

Long ol yia bilong 1930 wok Gol i go bikpela moa. Oli bringim balus i kam namba wan taim long karim kago insait long PNG. Planti balus i Flai planti taim long de namel long Salamaua na Bulolo na Wau. Long dispela taim i no gat rot. Bihain ol i gat 6-pela bikpela bot ain i gat faktori antap long en na i swim long Bulolo Riva na i wok long lukautim Gol. Olgeta hap bilong olgeta dispela draipela masin na ensin na faktori — ol balus tasol i bin karim i kam.

Balus i stat

Wok Gol long Bulolo na Wau i statim wok balus long PNG. Na dispela wok Gol

tu i bin pulim Dan na Mick Leahy long painim Hailans long yia 1932. Tupela i laik painim as bilong olgeta liklik Golston i drip i kam daun long ol riva. Tupela i wokabaut i go antap bihainim wara. Tupela i go i go i kamap long hap bilong Goroka. Bihain tupela i wokabaut i painim Simbu na Hagen na Wabag.

Tasol tude sapos yu kamap long Bulolo na Wau, ya painim wan wan waitman tasol. I no gat bikpela wok Gol. Bulolo em i as bilong bikpela Somil na plaiwut faktori. Long Wau, yes, planti man i wok Gol, tasol ol i lokal pipel tasol. Oli kam long Sepik na Madang na Simbu na Finschafen na Menyamy. Na wok bilong ol i gutpela bisnis.

Painim long 1922

Sapos yu go long dispela Wara Koranga, we ol i bin painim Gol namba wan taim long 1922, bai yu lukim sampela handet





PROVINS NIUS



Frank Mihalic

Ivo Buka bilong Bogia i wok long wasim wesam long dis. Ol golston bai i pas long plet na ol wesam kap-sait long wara.

Draipela masin bilong digim gol. Dispela kain masin i wok long digim gol long gut taim bipo. Nau em i rbs i stap. Gol i pinis na ol kampani i lusim masin i stap nating.



Ol man i wok long wasim ol ston na gravel long lukautim gol. Wara i save wasim ol rabis i go outsait.

grup wokman. Oli no gat ol bikpela masin. Oli wok long han tasol.

Wanpela man bilong hap bilong Ariangon-Bogia long Madang Provins i bin skulim Wantok Ripota long wok Gol. Nem bilong em Ivo Bukam. Golston long Wara Koranga i stap wantaim graun na karanas i pundaun long ol maunten long arere bilong wara ol wokboi i savolim ol grauni go insait long sampela longpela bokis. Oli stiaim sampela wara bilong baret i kam insait wasim ol graun ya. Oli muvim nabaut graun long han bilong ol. Oli rausim ol bikpela karanas. wara i karim ol graun na wesam nating i go olgeta.

Golston i hevi

Tasol Golston i hait wantaim ol graun, em i hevi na i pundaun daunbilo na i pas long ol lat ol i nilim pinis long as bilong bokis. Long pinis bilong de, wokman i kisim ol wesam wantaim Golston na i paitim nabaut wantaim wara insait long wanpela dis ain. Bihain em i rausim klostu olgeta wesam, em i kisim wanpela marasin i luk olsem silva tasol em i olsem wara. Sapos dispela marasin i go

daun long plet, em i olsem magnet na i pasim olgeta Golston.

Bihain long tu wik samting lain bilong Bukam i kukim dispela marasin wantaim Golston, na marasin i kam arasait na Golston tasol i stap. Orait nau em i bringim i go long Dipatmen bilong Gavman i bosim kain wok olsem. Oli skelim Golston makim. Bihain ol i salim i go long bikopis long Mosbi na ol i kukim tru. Nau ol i save hamas Gol tru i stap. Oli skelim gen na salim i go long beng. Nau beng i baim na i tekewe liklik takis olsem pe bilong graun we ol wokman i wok. Na ol arapela mani i kamap long sekbuk bilong man olsem Ivo Bukam.

Ivo i tok olsem, lain bilong em inap painim moa olsem 10 auns Gol long wan wan potnait. Prais bilong wan auns Gol Tude em i klostu K250.00 olsem yu lukim, dispela lain bilong Ivo Bukam inap long winim moa olsem 2 tausen kina long wok bilong ol. Taim ol waitman i wok Gol bipo prais bilong wan auns Gol em i K30.00. Nau em i K250.

i go moa long pes 11



Mipela i Laikim



300 Gutpela Man

Long Joinim Plis Fos Long Papua Niugini

YU LAIK

- * Kisim wok wantaim ol lain man i gat nem, bai ol i ken respektim yu.
- * Kisim wok inap helpim yu na famili bilong yu i painim gutpela sindaun long nau na bihaintaim.
- * Kisim kos (inap helpim yu long mekim gut wok Plis (long PNG na long ol narapela kantri.)
- * Kisim wok inap mekim yu amamas na givim namba, na tu mekim yu go lukim planti ples na provins.

YU

- * Winim Gred 10 pinis.
- * Olsem 5 fit na 4 insis longpela o antap liklik.
- * Gat 19 yia krismas pinis.
- * Inap long wok ovataim, taim ol i askim yu.
- * Laik mekim gutpela wok long helpim kantri bilong yu i go het.
- * Gat strong, maski sapos ol komyuniti long ausait i tok baksait long yu.
- * Inap long harim tok, na tu bihainim ol Lo bilong wok olsem wanpela Plisman tru.

Sapos yu tok "YES" orait, yu mas go long Plis Stesin i stap klostu long yu na toktok wantaim Provinsal Plis Trening Opisa long provins bilong yu.

Em hia raun bilong ol Plis Trening Opisa:

OL PLIS STESIN

OL DE O TAIM

ARAWA	TRINDE LONG OLGETA WIK
RABAU	FONDE LONG OLGETA WIK
WEWAK	TRINDE NA FONDE LONG OLGETA WIK
VANIMO	TUNDE NA FONDE LONG OLGETA WIK
MADANG	FONDE NA FRAIDE LONG OLGETA WIK
MAUN HAGEN	MANDE NA TUNDE LONG OLGETA WIK
LAE	TUNDE NA TRINDE LONG OLGETA WIK
GOROKA	FONDE NA FRAIDE LONG OLGETA WIK
KEREMA	TUNDE NA FONDE LONG OLGETA WIK
DARU	FONDE NA FRAIDE LONG OLGETA WIK

Ol Man i Aplai Long Nesenel Kepital Distrik,

Ol Man i Aplai Long Nesenel Kepital Distrik, Bai Ol I Harim Toktok bilong Ol Long Gordons Plis Bareks, Long Olgeta Trinde Na Fonde Long Olgeta Wik.

TOKSAVE: Ol provins i no stap long dispela hap pepa, bai Provinsal Plis Trening Opisa i makim de bai ol i kam long Provins bilong em.

Sapos yu laik save moa long wok bilong Plis Fos, go long Plis Stesin i stap klostu long yu. O sapos nogat, ringim Nesenel Plis Trening Seksen, long Bomana Plis Trening Koles long telipon namba: 28:1022 Ext. 416.



Ol meri i kamap long kibung long Rabaul.



PREN BILONG YU
INAP OLTAIM

Kristen meri woksop

Ol Kristen meri bilong PNG i wokim pinis wanpela woksop bilong ol long Kristen Edukesen na Komunikesen Senta long Rabaul. Woksop i stat long 26 Ogas na i pas long 7 Septemba. Em i namba wan taim tru wanpela woksop olsem i kamap long PNG.

Long dispela woksop ol meri bilong ol Engliken, Yunaitet Katolik, Lutheran, Baptist na Salvasen Ami i bung wok wantaim. Ol i stadi long ol wok bilong ol lida na kain kain we ol meri i mas wok insait long sios bilong ol, insait long ol bisnis na insait long ol wok politik.

Taim ol i stap long woksop ol i go lukim wanpela Didiman Stesin. Ol i laik lainim ol nupela we long mekim wok gaden. Na tu ol i go long wanpela haus sik na kisim sampela skul long ol we long lukautim famili na pikinini bilong ol.

Ol sampela wokboi bilong gavman tu i helpim ol na ol i wokim stov long simen,

ston na 44 galon dram. Ol i lain tu long stretim. masin bilong samap. Na tu ol i skul long ol we long helpim ol marit long stretim sindaun bilong ol. Narapela skul gen i go long sik vidina ol pamuk pasin.

Hetmasta bilong Rarongo Teologikal Koles, Dokta Albert Toburua, i bosim Bibel Skul bilong

helpim ol meri long save long ol kain kain wok ol i mas mekim insait long PNG.

Taim kos i laik pinis ol meri i pasim tok olsem:

1. Ol sios i gat nem long M.C.C. Melanesian Kaunsil ov Sios) i mas i gat tok meri long Provinsal Kaunsil ov Women.
2. Ol i mas askim olgeta arapela lotu i no memba long M.C.C. long tok orait long ol wok bilong Provinsal Kaunsil ov Women.

3. I mas i gat moa woksop long bungim ol Kristen meri bilong PNG.

4. Olgeta sios i gat nem long dispela wok i mas salim tokmeri i kam long woksop. Wanpela tokmeri i mas kam long olgeta ples ol i holim wok.

5. Ol meri i go pinis long Nesanel Woksop i mas gobek na kirapim liklik kos long ples long lainim ol meri bilong ples long ol dispela



santing

6. Ol M.C.C. i mas makim wanpela meri long bosim dispela wok long kirapim ol woksop na skruim wok i go moa. As bilong dispela woksop em hia.

Long 1977 long wanpela miting bilong ol Yunaitet Sios Women Felosip, ol i kirapim tok long holim woksop. Ol meri i laik painim ol sampela nupela we long wok bung wantaim ol arapela Kristen meri.

Olsem ol Yunaitet Sios meri i kirapim wanpela komiti na salim ripot i go long M.C.C. Women Felosip long salim pas i go long ol arapela sios insait long M.C.C.

Pas i go pinis na ol 6-pela Sios i memba bilong M.C.C. (Engliken, Lutheran Yunaitet, Katolik, Salvasen Ami na Baptist) i orait pinis long tok. Olsem ol wan wan sios i makim 2-pela meri long kamap memba long komiti bilong stretim tok na bosim wok bilong dispela woksop.

Lily Tabua



**SAYS
TIN
DRIPPING
WANTAIM
KAIKAI**



Kukim kaikai wantaim driping
Kaikai bai swit moa

MULI PUDING


Ol santing yu mas i gat:

1. 1 kap bret (katim liklik), liklik skin muli
2. 2-pela retpela hap bilong kiau
3. hap kap suga
4. blut muli
5. 1 kap susu
6. 2-pela waitpela hap bilong kiau.

We long wokim:

Paitim 2-pela retpela hap bilong kiau wantaim suga. Putim suga na skin muli. Putim bret long dis wantaim kiau na suga. Kukim insait long Stov inap em i strong. Orait, paitim waitpela hap bilong kiau wantaim blut bilong muli inap em i strong tumas. Kapsaitim antap long puding yu wokim pinis, na kukim insait long stov liklik taim tasol.


Laip Long PNG



Sande Lotu long Mai Simbu. Mama wantaim pikinini meri i laik go bek gen long ples. Ol makmak long pes bilong meri em mak bilong ol Simbu stret. Ol meri i pasim purpur pinis long taim ol i liklik yet, olsem yu lukim liklik meri hia long piksa.



Ol Kilakila (Mosbi) skul manki i wokim haus win long Hai Skul bilong ol. Ol yet i wokim na penim pos. Ol makmak long pos i na bilong ol Motu o husat, ol manki yet i wokim long tingting bilong ol.



Poto i soim olpela Praim Minista bilong Australia, Mista Gough Whitlam, i lukluk long sampela buk bilong Nesenel Laibri. Taim em i stap Praim Minista bilong Australia em yet i tingting long wokim dispela haus buk na givim long PNG olsem wanpela presen bilong Independens. Pe bilong dispela haus em 2 milien kina. Mista Whitlam i kam pinis long Mosbi long 30 Oktoba na em i stap long 2-pela de tasol. Long lephan long poto em namba tu bos bilong Nesenel Laibri, Miss Roslyn Membrey.

NUPELA I KAMAP


LYSAGHT

LIK LIK KAPA



Em i no inap bruk o bagarap taim yu sanapim o karkarim. Isi long sanapim. I strong olsem ain.

• Gutpela bilas.



LIK LIK KAPA — SIZE 2440cm(8') x 610cm(2') SHEETS

LYSAGHT

LIK LIK KAPA

Baim long olgeta hap igat kapa bilong Lysaght

GS259

Gutpela samting i kam long John Lysaght (Papua New Guinea) Pty Limited



Galp Provinsal Ileksen

INDEPENDEN GAVMAN BILONG PAPUA NIUGINI
Oi Lo Bilong Provinsal Gavman Bilong Yia 1977.

TAIRUMA ILEKTORET

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
 Sarere 10 Novemba, 1979
 Mande 12 Novemba, 1979
 Mande 12 Novemba, 1979
 Tunde 13 Novemba, 1979
 Tunde 13 Novemba, 1979
 Trinde 14 Novemba, 1979
 Fonde 15 Novemba, 1979
 Fraide 16 Novemba, 1979
 Sarere 17 Novemba, 1979
 Mande 19 Novemba, 1979
 Tunde 20 Novemba, 1979

PLES BILONG VOT

Karaeta AM
 Siviri PM
 Mei'i No. 1 AM
 Uaripi PM
 Kapiri AM
 Lapari PM
 Milakera
 Mamuro
 Murua
 Uriri
 Epo Plantessin
 Lou

Mi bin raitim dispela long han bilong mi long de namba 17 bilong mun Oktoba, 1979.

ABRAHAM WARI

INDEPENDEN GAVMAN BILONG PAPUA NIUGINI
Oi Lo Bilong Provinsal Gavman Bilong Yia 1977.

HANGOIA ILEKTORET

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
 Sande 11 Novemba, 1979
 Mande 12 Novemba, 1979
 Tunde 13 Novemba, 1979
 Trinde 14 Novemba, 1979
 Fonde 15 Novemba, 1979
 Fraide 16 Novemba, 1979
 Sarere 17 Novemba, 1979
 Mande 19 Novemba, 1979
 Tunde 20 Novemba, 1979
 Trinde 21 Novemba, 1979
 Fonde 22 Novemba, 1979
 Fraide 23 Novemba, 1979
 Sarere 24 Novemba, 1979

PLES BILONG VOT

Mutua
 Meiwakara
 Merapo
 Ukumina
 Ivandu
 Kamina
 Kamina
 Kamina
 Paina
 Titikamina
 Meiwari
 M'bewe
 Kotombaiwa
 Kotidanga

Mi bin raitim dispela long han bilong mi long de namba 17 bilong mun Oktoba, 1979.

TITUS MANDUI

INDEPENDEN GAVMAN BILONG PAPUA NIUGINI
Oi Lo Bilong Provinsal Gavman Bilong Yia 1977.

IARE PURARI ILEKTORET

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
 Mande 12 Novemba, 1979
 Trinde 14 Novemba, 1979
 Fonde 15 Novemba, 1979
 Fraide 16 Novemba, 1979
 Sarere 17 Novemba, 1979
 Mande 19 Novemba, 1979
 Tunde 20 Novemba, 1979

PLES BILONG VOT

Urupio
 Tobare
 Wabo
 Poro No. 2
 Mapaio
 Old Iare
 Apiope - Aumu
 Maipenairu

Mi bin raitim dispela long han bilong mi long de namba 17 bilong mun Oktoba, 1979.

ANDREW BAL

INDEPENDEN GAVMAN BILONG PAPUA NIUGINI
Oi Lo Bilong Provinsal Gavman Bilong Yia 1977.

KAIPI ILEKTORET

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
 Mande 12 Novemba, 1979
 Tunde 13 Novemba, 1979
 Trinde 14 Novemba, 1979
 Fraide 16 Novemba, 1979
 Sarere 17 Novemba, 1979
 Mande 19 Novemba, 1979
 Tunde 20 Novemba, 1979
 Trinde 21 Novemba, 1979

PLES BILONG VOT

Koaru
 Pukari
 Karama No. 2
 Karama No. 1
 Bodahi
 Uamai No. 1
 Parakahu
 Silo No. 1
 Silo No. 2

Mi bin raitim dispela long han bilong mi long de namba 17 bilong mun Oktoba, 1979.

SEREA KIRI

INDEPENDEN GAVMAN BILONG PAPUA NIUGINI
Oi Lo Bilong Provinsal Gavman Bilong Yia 1977.

KOVIO ILEKTORET

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
 Mande 12 Novemba, 1979
 Tunde 13 Novemba, 1979
 Trinde 14 Novemba, 1979
 Sarere 17 Novemba, 1979
 Mande 19 Novemba, 1979
 Trinde 21 Novemba, 1979
 Mande 26 Novemba, 1979
 Fonde 29 Novemba, 1979
 Fraide 30 Novemba, 1979
 Sarere 1 Desemba, 1979

PLES BILONG VOT

Kakoro
 Okavai
 Keremahaua
 Urulau
 Nenamo
 Putei
 Auwa
 Hindowi
 Hamdawi
 Titikaini
 Iphia

Mi bin raitim dispela long han bilong mi long de namba 17 bilong mun Oktoba, 1979.

SEREA KIRI

INDEPENDEN GAVMAN BILONG PAPUA NIUGINI
Oi Lo Bilong Provinsal Gavman Bilong Yia 1977.

OROKOLO ILEKTORET

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
 Mande 12 Novemba, 1979
 Tunde 13 Novemba, 1979
 Trinde 14 Novemba, 1979
 Fonde 15 Novemba, 1979
 Fraide 16 Novemba, 1979
 Sarere 17 Novemba, 1979
 Mande 19 Novemba, 1979
 Tunde 20 Novemba, 1979
 Trinde 21 Novemba, 1979
 Fonde 22 Novemba, 1979
 Fraide 23 Novemba, 1979

PLES BILONG VOT

Evara
 Muro
 Paivera
 Arevavo
 Kaivukavo
 Harilareva
 Kavava
 Lariau
 Pakovavu
 Auma
 Vailala Hiloi
 Ihu Stesin

Mi bin raitim dispela long han bilong mi long de namba 17 bilong mun Oktoba, 1979.

JIM NOMBRI

INDEPENDEN GAVMAN BILONG PAPUA NIUGINI**Oi Lo Bilong Provinsal Gavman Bilong Yia 1977.****MIENTA ILEKTORET**

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
Mande 12 Novemba, 1979
Tunde 13 Novemba, 1979
Trinde 14 Novemba, 1979
Fonde 15 Novemba, 1979
Fraide 16 Novemba, 1979.
Sarere 17 Novemba, 1979
Mande 19 Novemba, 1979
Tunde 20 Novemba, 1979
Trinde 21 Novemba, 1979
Fonde 22 Novemba, 1979
Fraide 23 Novemba, 1979

PLES BILONG VOT

Wimka
Hamdei
Wepango
Hambia
Titanga
Hawabango
Kwoiamunga
Iwowia
Karangia
Ewau
Kaingo
Mine

Mi bin raitim dispela long han bilong mi long de namba 17 bilong mun Oktoba, 1979.

TITUS MANDUI**INDEPENDEN GAVMAN BILONG PAPUA NIUGINI****Oi Lo Bilong Provinsal Gavman Bilong Yia 1977.****IVORE - KABEROPE ILEKTORET**

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
Mande 12 Novemba, 1979
Tunde 13 Novemba, 1979
Trinde 14 Novemba, 1979
Fonde 15 Novemba, 1979
Fraide 16 Novemba, 1979.
Sarere 17 Novemba, 1979
Mande 19 Novemba, 1979
Tunde 20 Novemba, 1979
Trinde 21 Novemba, 1979
Fraide 23 Novemba, 1979

PLES BILONG VOT

Bu'u
Iokwa
Piu
Famba
Anea
Patai'ia
Paingoba
Wotapaiyu
Tibengauwa
M'bauya
Didimawa

Mi bin raitim dispela long han bilong mi long de namba 17 bilong mun Oktoba, 1979.

TITUS MANDUI**INDEPENDEN GAVMAN BILONG PAPUA NIUGINI****Oi Lo Bilong Provinsal Gavman Bilong Yia 1977.****AHIA - KAURI ILEKTORET**

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
Mande 12 Novemba, 1979
Tunde 13 Novemba, 1979
Trinde 14 Novemba, 1979
Fonde 15 Novemba, 1979
Fraide 16 Novemba, 1979.
Sarere 17 Novemba, 1979
Mande 19 Novemba, 1979
Tunde 20 Novemba, 1979
Trinde 21 Novemba, 1979
Fonde 22 Novemba, 1979
Fraide 23 Novemba, 1979
Sarere 24 Novemba, 1979

PLES BILONG VOT

Akafiru
Herehere
Pekoe
Ovahuhu
Keakea
Koialahu
Vailala East No. 2
Harona
Karakaro
Hiloi
Opoloria
Iori
Maira Plantessin

Mi bin raitim dispela long han bilong mi long de namba 17 bilong mun Oktoba, 1979.

JIM NOMBRI**INDEPENDEN GAVMAN BILONG PAPUA NIUGINI****Oi Lo Bilong Provinsal Gavman Bilong Yia 1977.****UPPER VAILALA ILEKTORET**

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
Mande 12 Novemba, 1979
Tunde 13 Novemba, 1979
Trinde 14 Novemba, 1979
Fonde 15 Novemba, 1979
Fraide 16 Novemba, 1979.
Sarere 17 Novemba, 1979
Mande 19 Novemba, 1979

PLES BILONG VOT

Keka
Ikupi
Iouri
Lohiki
Horohoro
Heawa
Hepea
Mailava

Mi bin raitim dispela long han bilong mi long de namba 17 bilong mun Oktoba, 1979.

JIM NOMBRI**INDEPENDEN GAVMAN BILONG PAPUA NIUGINI****Oi Lo Bilong Provinsal Gavman Bilong Yia 1977.****UIABI ILEKTORET**

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
Mande 12 Novemba, 1979
Tunde 13 Novemba, 1979
Trinde 14 Novemba, 1979
Fonde 15 Novemba, 1979
Fraide 16 Novemba, 1979.
Sarere 17 Novemba, 1979

PLES BILONG VOT

Naigona
Habatamanga
Hapataiwa
Palangawa
Kaintiba Stesin
Bema Misin Stesin
Kaintiba Stesin

Mi bin raitim dispela long han bilong mi long de namba 17 bilong mun Oktoba, 1979.

TITUS MANDUI**INDEPENDEN GAVMAN BILONG PAPUA NIUGINI****Oi Lo Bilong Provinsal Gavman Bilong Yia 1977.****MAILOVERA ILEKTORET**

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
Mande 12 Novemba, 1979
Tunde 13 Novemba, 1979
Trinde 14 Novemba, 1979
Fonde 15 Novemba, 1979
Fraide 16 Novemba, 1979.

PLES BILONG VOT

Terapo
Lalafuru
Moveave
Savaiviri
Tapala
Malalaua Stesin

Mi bin raitim dispela long han bilong mi long de namba 17 bilong mun Oktoba, 1979.

SEREA KIRI**INDEPENDEN GAVMAN BILONG PAPUA NIUGINI****Oi Lo Bilong Provinsal Gavman Bilong Yia 1977.****KEREMA ILEKTORET**

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
Mande 12 Novemba, 1979
Tunde 13 Novemba, 1979
Trinde 14 Novemba, 1979
Fonde 15 Novemba, 1979
Fraide 16 Novemba, 1979.

PLES BILONG VOT

Kerema Town
Kerema Town
Kerema Town
Luluitera
Luluitera
Luluitera

Mi bin raitim dispela long han bilong mi long de namba 17 bilong mun Oktoba, 1979.

ABRAHAM WARI

MOA

LONG MONI BILONG YU

Nupela!



TRAKA I WOKIM GUT OLGETA SAMTING

Wantaim 1166cc ensin,
Traka i gut tru long draivim
na em i gat strong long go antap
long ol maunten na long rot i nogat kolta.
Yu inap foldim ol sit sapos yu laik karim
kago long baksait.
Gutpela Toyota mechanical parts i givim gutpela wok.
Tasol bai yu mas kisim spares tu
sapos yu laikim.
TRAKA i wok tupela wei na i gutpela transport
bilong ologeta wantaim prais ino dia tumas.
Go lukim ol - Draivim ol nau long ELA MOTORS.



ELA MOTORS

A Member of Burns Philp Group



**TOYOTA
TRAKA**

YU ASK LONG EN. YU KEN KISIM

TOYOTA

5-WOL NIUS-WO

★
INDONESIA - Indonesia i redim pinis sampela mani long 1979-1980 baset bilong ol long yusim long ol wok long kamap pren gen wantaim Saina. Bipo tupela kantri i kros nabaut na ol planti Saina long Indonesia idai long pait.

★
IS TIMOR - Yunaitet Nesen i askim Indonesia pinis bilong wanem ol i no kisim tok orait pastaim na ol i kisim na hosim Is Timor. Long Me 1976 Indonesia i kamap bos bilong kantri bi hain long pait wantaim wanpela lain ol i kolim Fretlin. Ol Fretlin i laik bai Is Timor i mas kamap wanpela Inpenden kantri. Long 1976 inap 1979 moa long 100 tausen man meri pikinini i dai long Is Timor. Olsem na i gat moa toktok i sut i go long ol Indonesia.

★
NO LAIKIM WOSIP - Gavman bilong Solomon Ailan i laik save kwiktaim watpo tru 8-pela bikpela sip bilong pait bilong Amerika i raun klostu long Solomon Ailans long tupela wik i go pinis. Gavman bilong Solomon Ailans i wari long dispela long wanem ol wosip bilong Amerika i no toksave long as bilong ol i lukluk raun long dispela hap. Gavman i salim dispela askim i kam long Mosbi long Mista Harvey Feldman, pesman bilong Amerika. Mista Feldman i tok em bai lukluk long dispela liklik trabel na bekim tok long ol.

★
FIDEL CASTRO - Presiden bilong Cuba, wanpela kantri klostu long Amerika, i sutim tok i go long ol Gavman bilong Amerika taim emi i givim wanpela ripot long Yunaitet Nesens. Em i tok ol kantri husat i ris tru i save mekim ol arapela kantri husat i no gat mani i kamap tarangu tru. Emi i tok ol gol, kopa, wel na ol arapela samting long ol tarangu kantri na i yusim dispela sampela samting long kamap ris. Ol i save bekim liklik hap tasol long ol wanem samting ol i wokim i kamap long ol samting i kisim long ol tarangu kantri.

★
AUSTRALAI WOKIM NUPELA LO - Long namba 1 de bilong mun Novemba Australia i wokim kamap wanpela nupela lo. Dispela nupela lo bai i tambuim ol arapela kantri long painim pis insait long 200 mail klostu long Australia. Olsem husat man i laik lukautim pis klostu long Australia i mas kisim laisens pastaim na bihain ol i go lukautim pis insait long solwara bilong ol.

i kam long pes 5

Ol man olsem Ivo Bukam ol i save wok Gol bikos ol i bin wok wantaim kampani bipo. Long olgeta doti wara nabaut long Bulolo na Wau yu ken lukim ol kem bilong ol lain man i wok Gol. Ol i kisim laisens long dispela.

arapela pipel i kam, i taitim bun, na i winim ol.

Stretim Tok

1. Hap bilong het
2. Bikpela pisin bilong Australia i luk olsem Muruk.
3. Kisim marasin long wanpela nil.

1		
2		
3		

Long las wik:

1. pos;
2. Oro;
3. sok;

Olgeta dispela man i wok Gol, ol i bilong ol arapela provins. Ol man bilong ples stret, ol skul liva na dropaut bilong ol, i no laik.

Sori, ol dispela man i laki tru. Ol i wokabaut antap long Golston, antap long mani i stap insait long graun na wara bilong ol. Tasol ol i no kea. Ol i no laik wokim ol

PRAIS LONG OL STUA

Ating planti bilong ol pipel bilong wanwan ples insait long PNG i no klia tumas long pe bilong ol samting insait long ol stua. Long PNG i gat lo olsem; wanem Stua Kipa i apim prais long ol samting bilong em long stua i go antap tru, bai em i go long kot.

Ol opisa bilong bosim prais (ol i kolim Prais Kontrol) bilong ol samting insait long stua i wok long lukluk gut tru long wanem ol prais ol stua kipa i saisim long samting insait long stua bilong em.

Ol Stua Kipa i mas bihainim wankain prais ol opis bilong lukautim prais long stua i putim long buk i stap. Dispela opis ol i kolim Opis bilong Konsuma Afeas.

Long biksiti olsem Mosbi na Lae ol prais i mas wankain. Long liklik taun i mas wankain. Na tu long ol stua long ples na ol stua insait tru long bus i mas narapela kain liklik long ol taun.

Long ol Tret Stua long ples, pe bilong ol samting i mas go antap liklik. Long wanem ol papa bilong stua i mas lusim bikpela mani tru

long taun long baim ol samting bilong stua.

Insait long siti na taun ol kain bikpela stua olsem Steamships na B.P. i gat bikpela bakstua. Olsem ol i save baim planti tin pis o mit o suga. Taim ol i baim olsem pe bilong samting i no antap tumas. Olsem taim yu wok long baim samting long bikpela stua pe bilong ol samting i daunbilo liklik.

Sapos yu go long wanpela stua olsem ol stua bilong ol Saina bai pe i antap liklik. Na sapos yu go long liklik Tret Stua o ol Mobil Stua long taun bai pe i antap liklik gen.

Ol lain bilong bosim prais long stua i tok olgeta stua long PNG i mas soim namba bilong mani ol pipel i mas tromoi long baim ol samting.

Sapos ol i no soim ol i ken go long kot. Ol stua kipa i mas makim prais stret long ol samting emi laik salim.

Ripota bilong Wantok Niuspepa i raun i

go long 5-pela stua long Mosbi. Long dispela ol stua ripota i askim ol long prais bilong rais, suga, tin mit, sop, tin pis, drai biskit, cambrige, masis na kerosine. Ol stua yumi lukluk long en em hia; Steamships, Saina Stua, Stretpasin Stua, Tret Stua na liklik stua ol i kolim Mobil Stua.


A ting planti bilong yupela long ples i no klia tumas long prais bilong ol samting long taun. Long dispela ripot yumi kisim ol prais bilong ol samting yupela i save baim long stua bilong yupela long ples. Olsem yu ken lukim ol prais bilong ol kerosin, sop, tin pis samting long taun. Yu lukim pinis orait yu ken sekap long ol prais long Tret Stua long ples bilong yu. Tasol yu mas save ol samting yu baim long stua long as ples bai i antap moa. Long wanem yu mas baim transpot long karim kago i kam long ples. Tasol sapos yu lukim ol prais bilong Tret Stua long ples i antap moa orait go long ol Prais Kontrol Opis long Distrik Opis bilong yu. Sapos papa bilong Stua i apim tumas prais orait em i mas

Ben Skorpio

Samting Long Stua	Ol Stua				
	Steamships.	Saina	PNG	StretPasin	Mobil
Rais	46t	46t	46t	45t	43t
Suga	43t	45t	46t	45t	50t
Tin Mit	97t	1.00	1.03	1.01	1.04
Sop Preserver	38t	65t	45t	45t	65t
Tin Pis	31t	33t	32t	35t	38t
Drai Biskit	10t	10t	10t	10t	12t
Kambrige	51t	51t	51t	51t	51t
Bokis Masis	4t	3t	3t	3t	3t
Kerosin		65t		65t	



Prais Kontrol i sekap long ol prais long New Guina Kampani.



Kurumul Ti

DISPELA KURUMUL TI I GOPAS TRU LONG OLGETA ARAPELA TI LONG PAPUA NIUGINI. EM I WINIM OLGETA ARAPELA TI LONG PAPUA NIUGINI.

YU INAP PAINIM KURUMUL TI ISI TRU LONG OLGETA SUPAMAKETI NA TRET STUA.

TOK SAVE I GO LONG OL MAN I GAT LISENS

MEMBA 1978  BILONG 1979


WOL SKIN PUKPUK SO

Salim skin pukpuk long dispela mak tasol. Mak bilong yumi olsem, namba wan kampani bilong PNG i sanap long So Bilong Skin Pukpuk Long Wol long hap bilong Frans na Yurop, long 1978 na 1979. Tingim prais bilong yumi, em i winim tru prais bilong ol narapela kampani long PNG o ovasis. Em hia adres bilong yumi.

Central Pacific Import/Export Pty. Ltd.,
P.O. Box 6699,
BOROKO


Phone: 211623 o 21.1635

Sapos Yu Laik Kamap Wanpela Momba Tu.




FANTA
it's a BOTTLE of fun

FANTA IS A REGISTERED TRADE MARK OF THE COCA-COLA COMPANY



Air Niugini helpim go het bilong Kantri



FAST COMMUNICATION

AIR NIUGINI 

INDEPENDEN GAVMAN BILONG PAPUA NIUGINI

Ol Lo Bilong Provinsal Gavman Bilong Yia 1977.

WENTA ILEKTORET

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
Sande 11 Novemba, 1979
Mande 12 Novemba, 1979
Tunde 13 Novemba, 1979
Trinde 14 Novemba, 1979
Fonde 15 Novemba, 1979
Fraide 16 Novemba, 1979.

PLES BILONG VOT

Komako
Epenango
Kwemka
Memawa
Mangmago
Iomba
Kanabea Stesin

Mi bin raitim dispela long han bilong mi long de namba 17 bilong mun Oktoba, 1979.

TITUS MANDUI

**INDEPENDEN GAVMAN BILONG PAPUA NIUGINI**

Ol Lo Bilong Provinsal Gavman Bilong Yia 1977.

URAMAGOPERA ILEKTORET

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
Mande 12 Novemba, 1979
Tunde 13 Novemba, 1979
Trinde 14 Novemba, 1979
Fonde 15 Novemba, 1979
Fraide 16 Novemba, 1979.
Sarere 17 Novemba, 1979
Mande 19 Novemba, 1979
Tunde 20 Novemba, 1979
Trinde 21 Novemba, 1979
Fonde 22 Novemba, 1979
Fraide 23 Novemba, 1979
Sarere 24 Novemba, 1979

PLES BILONG VOT

Era-Maipua
Nahoromere
Aime
Gibi
Tetehui
Ubuo
Wowobo
Veraibari
Kivaumai No. 1
Larimia
Kinomere
Mairipepea
Gouri

Mi bin raitim dispela long han bilong mi long de namba 17 bilong mun Oktoba, 1979.

GREGORY AI'IO

INDEPENDEN GAVMAN BILONG PAPUA NIUGINI

Ol Lo Bilong Provinsal Gavman Bilong Yia 1977.

TOARIPI ILEKTORET

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
Mande 12 Novemba, 1979
Tunde 13 Novemba, 1979
Trinde 14 Novemba, 1979
Fonde 15 Novemba, 1979
Fraide 16 Novemba, 1979.
Sarere 17 Novemba, 1979

PLES BILONG VOT

Lelefiru
Hamuhamu
Isapeape
Kukipi
Uritai
Mirivasa
Luluapo

Mi bin raitim dispela long han bilong mi long de namba 17 bilong mun Oktoba, 1979.

SERA KIRI

INDEPENDEN GAVMAN BILONG PAPUA NIUGINI

Ol Lo Bilong Provinsal Gavman Bilong Yia 1977.

KORIKI ILEKTORET

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
Mande 12 Novemba, 1979
Tunde 13 Novemba, 1979
Trinde 14 Novemba, 1979
Fonde 15 Novemba, 1979
Fraide 16 Novemba, 1979.
Sarere 17 Novemba, 1979
Mande 19 Novemba, 1979

PLES BILONG VOT

Baimuru Stesin
Karurua
Korovaka
Ara'ava
Kairimai
Akoma
Kinipo
Mariki

Mi bin raitim dispela long han bilong mi long de namba 17 bilong mun Oktoba, 1979.

ANDREW BAL

INDEPENDEN GAVMAN BILONG PAPUA NIUGINI

Ol Lo Bilong Provinsal Gavman Bilong Yia 1977.

MORUPI ILEKTORET

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
Sarere 10 Novemba, 1979
Mande 12 Novemba, 1979
Tunde 13 Novemba, 1979
Trinde 14 Novemba, 1979
Fonde 15 Novemba, 1979
Fraide 16 Novemba, 1979.
Sarere 17 Novemba, 1979

PLES BILONG VOT

Morio AM
Sarota PM
Iokea
Miaru
Lese Avihara
Lese Kavora
Lese Oalai
Lese Ilava

Mi bin raitim dispela long han bilong mi long de namba 17 bilong mun Oktoba, 1979.

SERA KIRI

INDEPENDEN GAVMAN BILONG PAPUA NIUGINI

Ol Lo Bilong Provinsal Gavman Bilong Yia 1977.

IKOBI - TURAMA ILEKTORET

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
Mande 12 Novemba, 1979
Tunde 13 Novemba, 1979
Trinde 14 Novemba, 1979
Fonde 15 Novemba, 1979
Fraide 16 Novemba, 1979.
Sande 18 Novemba, 1979
Tunde 20 Novemba, 1979
Fonde 22 Novemba, 1979
Sande 25 Novemba, 1979
Trinde 28 Novemba, 1979
Fonde 29 Novemba, 1979

PLES BILONG VOT

Haivaro
Sumakarima
Moka
Komaio
Meagio
Misiki
Gibu No. 1
Erehe
Kibeni
Omati
Baina
Kaiaim

Mi bin raitim dispela long han bilong mi long de namba 17 bilong mun Oktoba, 1979.

GREGORY AI'IO

INDEPENDEN GAVMAN BILONG PAPUA NIUGINI

Ol Lo Bilong Provinsal Gavman Bilong Yia 1977.

KAIRI GOARIBARI ILEKTORET

De bilong vot, em ol i raitim long lephan bilong dispela pes. Ol manmeri i ken vot long ples ol i raitim long raithan bilong pes. Em ol ples insait long Galp Provinsal Iektoret. Long ol dispela de, ples bilong vot bai op long 8 klok moningtaim. Na em bai pas gen long 6 klok long apinun, bihain long olgeta man i sanap i wet i laik vot, i vot pinis.

DE BILONG VOT

Sarere 10 Novemba, 1979
Mande 12 Novemba, 1979
Trinde 14 Novemba, 1979
Fraide 16 Novemba, 1979.
Sande 18 Novemba, 1979
Tunde 20 Novemba, 1979
Fonde 22 Novemba, 1979
Fraide 23 Novemba, 1979
Sarere 24 Novemba, 1979

PLES BILONG VOT

Kemei
Bisi
Dopima
Kampu'u
Avi'ova
Samoa
Ero
Babaguina
Tipeowo

TIM NO. 1**TIM NO. 2**


Sarere 10 Novemba, 1979
Fonde 15 Novemba, 1979
Sande 18 Novemba, 1979
Tunde 20 Novemba, 1979
Fonde 22 Novemba, 1979
Fraide 23 Novemba, 1979
Sarere 24 Novemba, 1979
Mande 26 Novemba, 1979

Faru
Sera
Kare
Keoro
Waira
Kopi
Ogomobu
Kikori Stesin

Mi bin raitim dispela long han bilong mi long de namba 17 bilong mun Oktoba, 1979.

GREGORY AI'IO

MITSUBISHI



YUTILITI



STRONGPELA MOA!



Sapos yu lukim wanpela ka i strongpela moa, i gat planti pawa, na i gat gutpela hap bilong sindaun insait long en

— EM NAU!!

MITSUBISHI wan tan yutiliti

Ino inap bagarap kwik, em bai stap gut longpela taim moa. Insait igat planti ples bilong ol bilum, ol karamap na sapos yu gat ol kain kain tul yupela inap pasim bihain long hap bilong sindaun. I gat bikpela tenk bilong petrol — yu no mas pulamapim petrol oltaim.


GO LUKIM.... NA DRAIVIM....

Em Yutiliti bilong 1980 stret!!!


TOBA

PTY. LTD.

LONG OLGETA HAP PNG



Pop Long U.N.



Long namba 2 de long mun Oktoba Pop Jon Pol i go kamap long Yunaitet Nesen Hetkwata long Niu York Siti. Poto daun bilo i soim Pop Jon Pol taim em i kamap long hetkwata bilong U.N. Poto antaplephan Pop i sindaun harim sampela toktok bilong ol hetman bilong U.N. Long raithan antap Pop i givim toktok long ol bikman.





Ol Sios Lida Kros

Dia Edita — Long 9 Oktoba, Peris Sios Bod i bin holim miting bilong em. Na long dispela miting, ol memba bilong Peris Sios Bod i bin bringim kamap dispela wari.

Ol i tait, planti ol meri bilong Katolik Sios i save go long ol dokta na kisim marasin bilong pasim bel long i no ken karim pikinini. Tasol, ol mama i pilim ol kain kain hevi olsem sotwin, het i pen, baksait i pen na bel i pen.

Olsem na ol Kristen Komyuniti na ol Sios Lida i no amamas long dispela pasin bilong pasin bel, long kain kain marasin olsem Depo-Provera, Pil, Kondom na Loop.

Ol dispela pasin i brukim tru ol Lo bilong God, Na tu dispela pasin i bagarapim tru kantri bilong yumi. Em bikos, kantri bilong yumi i sot long man. Dispela kain pasin inap long bagarapim tru laip na sindaun bilong ol maritman na maritmeri. Na tu em i kamapim problem long ples na komyuniti bilong yumi.

Em i no gutpela tumas long ol dokta i pulim na paulim tingting bilong ol mama long ol kain kain skul, na givim kain kain marasin.

Planti Katolik mama i bin go lukim ol dokta, na ol dokta i bin givim marasin long pasim bel bilong ol. Olsem na ol mama i kam na autim wari bilong ol long mipela ol memba bilong Peris Sios Bod.

Mipela ol memba bilong Peris Sios Bod i no laikim tru pasin bilong pasin bel, sut,

na ol arapela Atipisol Famili Plening. Em tasol, tenkyu.

Gabinus Ambos, Josephstal Bogia/Madang.

No Odaim Gut Piksa

Dia Edita — Inap yu givim liklik spes long mi putim liklik wari bilong mi bai sampela man i ken lukim.

Wari bilong mi i go olsem, mi bilong Finsch na nau mi stap long Panguna. Mi olgeta taim mi save go lukim piksa long CINIMA na tu long KAROONA haus maket. Na wanpela samting mi save lukim na mekim bel bilong mi i hat nogut tru olsem, ol wok man long soim piksa oli no save odaim gutpela piksa.

Ol i save odaim piksa bilong ol misis kis wantaim ol masta tasol, na mipela i no laik long lukim dispela kain piksa. Sampela taim sapos mipela lukim piksa bilong ol misis na masta, mipela save kam autsait na kisim bek mani bilong mipela.

Yes, ol wantok, olsem wanem long piksa bilong kauboi, wo, sotpait, kung fu na sampela arapela gutpela piksa. Mani bilong yupela i inap long odaim dispela kain piksa o olsem wanem? Na tu ol save soim wanpela piksa tupela taim. Eksampel piksa bilong Korak, ol save soim wanpela nau na narapela mun gen ol save soim gen.

Plis ol wantok traim na lusim dispela kain pasin. Em i no siti long yupela wokim dispela kain pasin, olsem planti haus piksa na planti manmeri long yupela wokim dispela kain. Yupela olsem wanem, na odaim piksa bilong ol meri olgeta taim. Mi ting yupela laikim tru long lukim ol, tasol mipela sampela i no laik. Taim m stap long Lae mi save lukim sampela gutpela piksa winim dispela, na i no wanpela samting olsem.

Plis traim na odaim sampela gutpela nupela piksa.

Em tasol long liklik wari bilong mi. Sapos yu husat wok man long soim piksa i lukim dispela pas na bel kros, o belhat orait, rait i kam bai mi lukim. Na tu sapos yu husat man i laik skurim tingting bilong mi, orait rait i kam long Wantok Nius pepa. Tenkyu.

G. Geyacda Yam, Finsch, Morobe Provins.

Ministas I Gris

Dia Edita — Plis inap yupela larim liklik hap spes long mi. Mi i gat wari olsem, ol Ministas i save i go lukluk raun long arapela kantri na gris wantaim ministas o Gavman bilong ol narapela kantri. Na taim gavman bilong ol arapela kantri i harim pinis dispela gris bilong ministas bilong PNG. Mi ting dispela gris tasol inap long ol arapela kantri tek ova dispela kantri bilong yumi PNG.

Long wanem, mi harim dispela nius long Fraide 12 Oktoba long dispela mun. Mi ting dispela gris bilong ministas i rong. Bikos ol i no mekim gutpela wok bilong kantri. Sapos yu gat gutpela gaden flawa long arere long haus bilong yu. Yu inap tokim wanpela man olsem yu i gat gutpela flawa olsem?

Ating mi ting no gat. Bilong wanem gutpela flawa em bilong yu tasol. Na ministas yupela laikim yupela yet sanap olsem nau yupela sanap. Dispela em olsem yu no wok long kantri bilong yupela luk olsem yupela raun bilong gris tasol.

Em tasol wari bilong mi. Sapos yu husat ministra i gat bel sua, yu rait tasol i go long Wantok Nius-pepa bai mi ken kisim na ritim.

David Yawa C.M. Kamberatoro Vanimo

Laikim poto

Dia Edita — Hia mi wanpela boi Sepik i laik autim wari bilong mi i go long (WANTOK NIUS). Yes long sampela yia i go pinis mi save

hamamas tru long ritim Wantok Nius long wanem, Wantok

Nius i save soim tru ol piksa na stori bilong ol Gavman Minista na ol narapela Memba bilong ol Provins long Nesanel Palimen.

Dispela long wanem Wantok i save soim tru insait na ausait wok bilong ol Memba long Palimen.

Em long dispela wok mi mas ritim na

lukim piksa. Wanpela Minista i lukautim wanem dipatmen o kampani ol dispela i gutpela long yumi ol manmeri nating i ken ritim na save gut long ol.

Tasol nau long dispela mi baim nating Wantok Nius na mi i no save ritim na lukim pes na stori bilong wanpela Memba na Gavman Minista,

Dispela mi laik save, bilong wanem na Wantok Publikesen i no laik setim aut

long nius bilong Wantok.

Mi hamamas tru long Wantok Nius-pepa long prinim ol.

Spot nius na planti arapela stori tu long ol dispela wari bilong mi laik askim Edita.

Yes, bilong wanem na yupela ol wokmanmeri long Wantok Nius i no laik mekim dispela pasin?

So sapos yu husat

man or meri i bekim dispela pas bilong mi bai mi i ken ritim. Na tu bai mi hamamas long ritim sapos Edita i bekim pas bilong mi.

Moses K. Nelson C.M. Mambe, E.S.P.

Salim ol pas i kam long: WANTOK BOX 1982 BOROKO

LIME FRESH

Resis long kolim nem bilong ol provins

MAP OF PAPUA NEW GUINEA

OL LO BILONG RESIS

- 1) Yu ken wokim planti taim sapos yu laik. Tasol yu ken pulim mipela wanpela tiket (pepa) tasol long wanpela skinpas.
- 2) Taim yu salim tiket, yu mas salim wanpela karamap bilong Lime Fresh Sop wantaim.
- 3) Sapos yu kolim stret namba bilong ol Provins, orait mipela bai putim pepa bilong yu insait long wanpela bikpela basket.
- 4) Pas bilong yu i mas kamap long N.B.C. bipo long Novemba 2. Bihain long Novemba 2, bai resis tru i op.
- 5) Long olgeta wik, mipela bai pulim wanpela tiket long bikpela basket.
- 6) Sapos mipela i pulim tiket bilong yu, bai yu kisim wanpela radio fri. Mipela bai mekim olsem inap long 5-pela wik olgeta.
- 7) Sapos yu no win, tiket bilong yu bai i stap yet insait long basket. Bihain mipela bai pulim wanpela tiket moa. Papa bilong dispela tiket bai winim K100.00 wantaim radio.

Salim tiket bilong yu wantaim wanpela karamap bilong Lime Fresh i kam long:

Radió N.B.C., Box 1359, Boroko, Port Moresby, PNG.

SOUTHERN HIGHLANDS.....

MOROBE.....

WEST SEPIK.....

WEST NEW BRITAIN.....

WESTERN.....


Nem:.....

Adres:.....

Em i isi tumas long go insait long dispela resis. "Kolim Nem Bilong Ol Provins". Raitim namba bilong Provins (yu ken lukim long piksa) klostu long nem bilong Provins.

100 KINA & 6 TRANSISTORS TO BE WON!

KAUNSI LA TRAIM



K3 tasol long baim tok save long Wantok

**Baim Wantok
K13 long wan yia.**

Traim nau, em i nupela kain masis

Jerusalem

2 Samyuel 5:5-9



HUSAT MAN I GO INSAIT PASTAIM, BAI MI MEKIM EM I KAMAP NAMBawan KEPTEN BILONG AMI.

I ORAIT, DEVIT. MI KEN TRAIM. TAIM YU LUKIM MIPELA I OPIM DUA BILONG TAUN, YUPELA MAS RAN I KAM PAIT.



LONG DISPELA NAIT JOAP WANTAIM SAMPELA MAN BILONG EN I GO LONG WANPELA LIKLIK RAUNWARA I STAP INSAIT LONG HUL STON KLOSTU LONG BANIS BILONG JERUSALEM.

WARA I RAN I GO BIHAINIM DISPELA LONGPELA HUL NA I GO KAMAP INSAIT LONG TAUN. YUMI GO HARIAP.



JOAP, LUKAUT GUT. MI TING OL I PUTIM SAMPELA WASMAN I STAP INSAIT.

MASKI. YUMI KEN TRAIM. I NO GAT NARAPELA ROT NA YUMI MAS I GO INSAIT LONG JERUSALEM BILONG KISIM TAUN.



OL MAN BILONG DEVIT I GO KAMAP LONG OL WASMAN NA OL WASMAN I KIRAP NOGUT TRU. TASOL JOAP WANTAIM OL MAN I HOLIMPAS OL KWIKTAIM.

TOKIM OL MAN LONG OPIM DUA. SAPOS NOGAT BAI MIPELA KILIM YU I DAI.



OFISA I PRET NOGUT TRU NA I TOKIM MAN LONG OPIM DUA.

NA OL SOLDIA BILONG DEVIT I RAN I GO INSAIT NA KIRAPIM PAIT.



Komik hia i kamap pinis long buk. Yu inap baim long olgeta Kristen Buk Stua.

Used by permission of the David C. Cook Foundation. Copyright 1973, David C. Cook Publishing Co. All rights reserved.

Lutheran Edukesen



Mista Sakey Ronuc

Mista Sakey Ronuc bilong Supong Viles long Morobe Provins i go pinis long lukluk raun long ol arapela kantri long 6-pela wik olgeta.

Mista Ronuc em i Seketeri bilong Edukesen bilong Evajalikal Lutheran Sios bilong PNG. Em i tok, "Lutheran Wel Federesen i baim tiket bilong em. Na taim ol i laik baim ol i askim mi long go raun long ol kantri olsem Australia na Amerika. Tasol mi ting ol kantri olsem Hong Kong, India na Tanzania i wankain liklik olsem yumi. Na olsem ol i larim mi go raun na lukim we bilong ronim ol wok bilong Kristen Edukesen long ol dispela kantri.

Em i tok, "Mi ting Papua Niugini Lutheran Sios i ken lainim sampela gutpela samting long wok bilong Kristen Edukesen bilong ol dispela kantri."

Long las mun, Mista Ronuc i bin stap long wanpela miting Lutheran Sios bilong Papua Niugini i bin mekim kamap long Goroka.

Long dispela

kibung ol i bin toktok long ol tripela bikpela hap bilong Kristen Edukesen; Sande Skul, Konfirmesen na Yut Wok.

Mista Ronuc i tok, "Yumi mas givim skul long ol pikinini long taim ol i bebi yet inap ol i kamap yangpela man na meri."

Olsem na long dispela nupela wok bilong Kristen Edukesen ol i wokim plen olsem. Ol yangpela i gat 4-pela krismas i go inap long 12-pela i ken go long Sande Skul. Ol i gat 12-pela krismas i go inap long 14 i ken go long skul bilong Konfirmesen. Na ol i gat 14 krismas i go inap long 25 i ken kisim skul bilong yut wok.

Mista Ronuc i tok ol Nesenel Bisop i kirapim moa wok bung insait long Lutheran Sios. Em i tok "Sapos mipela i gat wanpela bisop tasol long Lutheran Sios bai em i gat planti wok tru.

Sande Lotu

Frank Mihalic

SANDE NAMBA 32 BILONG YIA - 11

Novemba 1979 (Rit i kam long Mak 12:38 - 44)

Long stori bilong tude Jisas i tok amamas long wanpela meri rabis tru, tasol em i givim las toea bilong em i go long ofa long haus lotu. Jisas i tok dispela wan toea bilong em i winim planti handet kina bilong ol maniman. Ol maniman i gat planti planti, na ol i givim liklik hap tasol long God. Meri ya i givim olgeta samting bilong em. I no gat samting moa i stap.

Tude em i gutpela taim long tok long mani o presen, ol Kristen i save bringim long lotu long Sande. Ol i save putim klostu long alta, i olsem ofa bilong ol. Long sampela ples ol i save bringim ol samting bilong gaden, olsem taro na yam na kaukau na kon na banana na ananas. Long taim bilong ofertori ol i bringim i kam long alta. Na ol manmeri i no gat gaden samting, ol i save givim mani olsem presen bilong ol.

Long pasin bilong ples na pasin bilong tumbuna i gat planti pasin bilong givim presen long tambaran ol long ol masalai. Sapos yu laikim glasman i kam stretim sik bilong wanpela man, yu mas baim em...na baim em gut long wanpelapik samting...o tude, long mani. Yu save putim kaikai olsem ofa long matmat...Yu laik go painim abus long bus, yu katim skin pastaim na larim blut i ran.... Yu wokim nupela gaden, yu tambu long kilim na kaikai wanem abus yu painim i wokabaut long dispela Long taim bilong indai, na long taim bilong meri i gat bel o meri karim namba wan pikinini, i gat planti kain tambu. Na ol manmeri long ples i save bihaini.

Ol dispela tambu na ofa i bihainim wanpela bilip i stap insait tru long ol pipel. Em hia: sapos yu laikim spirit o tambaran o

masalai i belgut long yu, yu mas mekim ofa long em. Na yu mas pilim. Em i mas pen liklik.

Yumi ol pipel bilong Papua Niugini yumi bilip olsem: i no gat wanpela samting i save kamap nating. Nogat. Em i kamap long man, o em i kamap long God. I no kamap nating. Na olsem yumi mas baim dispela samting, long wanem em i no bilong yumi.

Tude yet sapos yu go insait long bikbus na yu bungim sampela buspipel na yu givim wanpela presen long ol, wantu, ol i laik save yu laik bai ol i bekim olsem wanem. Na sapos yu tok: "Nogat. Mi givim nating," nau ol i wari. Ol i no bilipim dispela tok. Bai ol i ting olsem: bihaini bai dispela man i kam bek na i singaut long wanpela samting, na mipela i mas givim manmeri tru bilong PNG, i no gat samting i kamap nating. Nogat tru.

Orait. Em i gutpela tingting. Dispela tingting i tru olgeta. Long wanem, long laik bilong yumi -- God i papa bilong olgeta samting. I no gat wanpela samting i kamap kamap nating. Yumi gat kantri; yumi gat kaikai; yumi gat graun; yumi no gat sik; yumi no gat pait; yumi gat gutpela gavman; yumi sindaun gut. Ol dispela samting i presen i kam long han bilong God. Na i gat pe bilong em.

Wataim yu bekim liklik long God? Long Sande lotu em i gutpela taim... Yu bin kisim pinis olgeta samting long han bilong God. Em i min God em i sande long yu. Orait, nau long Sande, yu mas sande bek long God.



**YUMI
AMAMAS LONG
COKE**



COCA-COLA AND COKE ARE REGISTERED TRADEMARKS WHICH IDENTIFY THE SAME PRODUCT OF THE COCA-COLA COMPANY

HRME 015 6365

Sikau sem long Kakaruk



Long bipo tru, Sikau wantaim Kakaruk tupela i pren wantaim. Tupela i save stap long ples bilong ol man. Tupela i save stap, na tupela i save raun pilai na kaikai wantaim.

Long wanpela taim, Sikau i tokim Kakaruk olsem, pren, kam na mitupela i go long bus na painim pikinini bilong kapiak. Tupela i go kisim kapiak pinis, na tupela i go long nambis. Tupela i wokim paia na kukim

pikinini bilong kapiak na kaikai.

Taim tupela i kaikai pinis, tupela i stap tok-tok, pilai na singsing amamas nabaut i stap. Bihain nau, Sikau i tokim Kakaruk olsem, pren, kam na mitupela i go na katim diwai bilong wokim kanu. Orait, tupela i go na katim diwai bilong wokim kanu.

Taim tupela i katim diwai pinis, tupela i stat long sapim diwai. Tupela

i makim kain kain kaving na piksa bilong man. Ol i makim olkain piksa nabaut long poret bilong kanu tu. Taim tupela i wokim olsem pinis, tupela i go na katim saman bilong kanu. Taim ol i sapim saman pinis, tupela i stat long pasim kanu bilong tupela wantaim. Taim tupela i wokim bet na sel pinis, tupela i redi long go long solwara.

Em nau sikau i kirap na tokim pren bilong em kakaruk, pren, mitupela i go long bus na painim sampela buai na daka. Em nau, tupela i go na kisim-buai na daka i kam. Nau tupela i pulim kanu bilong ol i go long solwara. Kakaruk i stiaim kanu na sikau i sindaun long bet bilong kanu na mekim save kaikai buai i stap.

Taim kakaruk i stiaim kanu i stap, bikpela win i kam na winim kangal o tel bilong em na kanu i spit moa yet. Ol i go i go yet na kakaruk i kirap tokim sikau olsem: "Pren yu kam senisim mi na bai mi malolo liklik." Orait, tupela i senis na sikau i stiaim kanu gen. Na kakaruk i go sindaun long bet na kaikai buai, singsing na paitim kundu i stap.

Long taim sikau i stiaim kanu i no ran strong liklik. Em long wanem, tel bilong sikau i go daun na pas long ston, olsem na kanu i ran isi isi tasol. Olsem na sikau i kirap na tok, o pren, mi tait pinis, kam na senisim mi. Orait, kakaruk gen i

stiaim kanu, na kanu i spit nogut tru.

Nau kakaruk i kirap na tokim sikau, o pren, mi tait liklik kam na kisim ples. Orait, sikau gen i kisim ples na stiaim kanu. Tupela i mekim olsem i go na kakaruk i belhat, olsem na em i kisim tamiok na katim kanu. Taim kanu i bruk, kakaruk i flai i go na sikau i go daun wantaim kanu.

Sikau i kirap na askim ol bikpela pis long helpim na bringim em i go long san. Tasol, ol pis i bekim na tok, o sori mipela i no gat taim bilong helpim yu. Na bihain nau, wanpela trausel i kamap na sikau i kirap na askim em, plis inap long yu helpim mi na karim mi go long san? Orait, trausel i kirap na tokim sikau olsem, kalap antap long baksait na bai mi bringim yu long nambis.

Taim trausel i lusim sikau long ples, em i ranawe i go stret long bus. Em long wanem, em i sem long pren bilong em kakaruk.

Olsem nau, ol kakaruk tasol i save stap long ples. Tasol ol sikau i save stap tasol long bus. Sapos tupela i no kros na wokim nabaut, ating nau bai tupela inap long stap wantaim long ples, olsem ol kakaruk save i stap wokim.

Em tasol long liklik stori bilong mi. Tenkyu.

M. Yukul,
Arawa/N.S.P.

MIPELA SAVE MEKIM OLKAIN WOK BILONG BENG

- ☆ Pas Buk
- ☆ Sek Buk
- ☆ Man i ken putim mani long beng na winim profit mani
- ☆ Sapos yu kisim narakain mani bilong wanpela arapela kantri, beng i ken senisim i kamap kina na toea.
- ☆ Ben i ken stretim olgeta tiket bilong yu, sapos yu laik go lukluk raun long arapela kantri.

**Bank of
New South Wales
(PNG) Ltd.**

Mipela amamas tru long helpim yu



No Ken Rausim

Dia Edita — Mi laik bai yupela givim mi liklik spes bilong mi bekim leta bilong Peter Yembe. Wantok Nius Namba 288.

Yes Peter Yembe,

ating yu no tingting gut, pastaim long yu raitim dispela leta.

Namba wan samting yu rong long en, em long sapos yu gat kain wari olsem i gutpela sapos yu go lukim Komisena bilong Solomon Ailan long P.N.G. na askim em bai kliaim long yu bikos Wantok Nius i no inap helpim yu tumas.

Namba tu: samting, taim yu aplai long Visa bilong Visit long narapela kantri ol i save givim tok orait long visit tasol,

na i no bilong painim wok.

Sapos yu laik wok yu mas aplai long kisim tok orait long wokim kontrek long hamas yia yu laik wok long en. long dispela kantri.

Namba tri: samting yu tok yu bin wok inap 9 wik.

Dispela em i giaman tru. Bikos yu go i stap tu wik tasol na yu kam bek.

Yu tok, yu save kisim \$85.00 long wanpela mun. Dis-

pela em i giaman tru.

Long Solomon Ailan ol Leba i save kisim \$30.00 long wanpela mun, olsem yu bikos yu nogat wanpela trad bai al i baim yu antap long ol Leba.

So Peter Yembe, yu noken giaman long Wantok Nius.

Na tu yu tok long rausim ol Solomons i stap long PNG. Ating yu mas klia gut ol i gat tok orait wantaim Gavman bilong PNG long wok inap hamas yia ol i bin makim.

Sapos yu gat bel-hevi bekim pas bilong mi tasol.

Mi wanpela man i save gut tru long yu.

Sam Ngosei, Panguna /N.S.P.

PAS BILONG MI I STAP SWIT MOA!



Wok Plis I No Stret

Dia Edita — Mi wanpela meri bilong Not Solomon Provins. Mi laik autim wari bilong mi.

Na wari bilong mi em i go olsem: Long namba 8 de mun Me 1979, mi wantaim tupela pasindia tasol long dispela bas. Tupela i bin spak nogut tru. Mitripela pasindia tasol long dispela bas mekim 4 long en i draiva. Dispela plisman ol i no bin wok. Taim mipela stat ron i go olsem long Arawa, tupela stat long autim sampela tok nogut i kam long mi. Dispela plisman hia ting olsem mi no save long ol olsem plisman.

Taim mipela ron lusim long Kabuan Didiman Stesin, tupela tokim draiva long spitim bas. Man, sapos yupela sampela man long Kieta na Arawa taun i bin kalap long dispela taim na lukim draiva ya spit olsem wanem, mi ken tokim yupela stret, laki tru trafik i bin isi liklik. Bas i ron olsem snek i wokabaut.

Dispela draiva em bilong Sepik. Na em longpela man. Taim draiva ya em i spit yet, wanpela long tupela i tokim draiva, "GIVIM SAM DRAIVA, NOKEN WARI LONG PIKININI." Man taim mi bin harim dispela hap tok mi bin kros nogut tru.

Klostu tru mi bin kalap i go ausait wantaim pikinini bilong mi. Ating dispela man em i nogat het tru long toktok olsem long pikinini bilong narapela man..

Dispela kain pasin yu bin wokim long mitupela pikinini bilong mi. Nau mi gat sampela askim i go long dispela tupela plisman.

Salm ol pas i kam long WANTOK BOX 1932 BOROKO

Yu man bilong ronim lo na oda. Na helpim ol man husat i kisim bagarap. Espesili ol mama na pikinini mas kisim moa helpim long ol plis. Maski yu ting

olsem em i wanem kain meri. Yu plisman yu bilong helpim em.

Ating em tasol liklik wari bilong mi.

M. Rachel Sihei, Not Solomon Provins.

Draiva I No Tingting

Dia Edita — Plis inap long yupela givim mi hap liklik spes long putim dispela liklik tok save bilong mi i go long ol draiva bilong ol ka hia long Aitape.

Yes ol draiva bilong ol ka long Aitape. Mi raitim dispela pas bikos long ai bilong mi, mi save lukim yupela i draivim ka nabaut, tasol wanpela samting yupela i no bihainim gut em ol sampela tok save long Skul Eria.

Wanpela tok save em (school slow down) em olsem ol manki i stap long skul, sapos yu hatim o spitim ka bilong yu bai yu pasim yau bilong ol manki na ol i no inap harim wanem samting Tisa i toktok o sapos ol manki i ron long rot long skul eria nogut bai yupela i krugutim ol long ka na kilim ol.

Ating yupela i no save long as tingting tru bilong ol dispela samting ol i tok (School Slow Down) olsem na yupela save spit nating long ol ka

bilong yupela na pasim yau bilong ol manki long skul, na olsem wanem sapos ol manki i go long opis bilong yu bai yu singaut nabaut na pasim yau bilong yu long wok bilong yu bai yu kros o nogat? Ating bai yu mas kros yet ya.

So plis ol draiva bilong ol ka long Aitape i gat planti skul long bikrot. Traim na draiv isi long ka i no inap long ka i lusim han bilong yu na ronowe, bai yu draivim long sampela taim.

Sapos yu draiva long Aitape i gat kros o wari rait long Wantok Niuspepa, mi redi tasol long bekim tok bilong yu.


Gabriel Karowi, St. Ignatius Hai Skul, Aitape





↑Boxa, John Aba slekim han kais bilong em i go long Wili Tarika bilong Fiji. Wili i painim ples stret. Tupela pait long Fiji.

Wili Tarika i tok gutnait nau na i laik slip taim han sut bilong Aba i kisim em stret long wisket bilong em. Tupela i pait long Fiji na Aba i win. ↓



Wol Sempian
Boxa, bilong yumi,
John Abs i rausim lik-
lik belhat bilong em
long Fiji long wik igo
pinis.

Aba i raunim i go
i kam Sempian bilong
Fiji, Wili Tarika, insait
long boxin ring na
mekim em i luk olsem
liklik binatang nating
tasol.

Long dispela pait
Aba i les long nokim
Wili i go daun. Long
wanem Aba i laik
bringim pait i go long
15 raun olgeta.

Em i laik tren
tasol long redi long
dispela bikpela pait
wantaim Esubio
Pedroza bai i kamap
long Mosbi. Trena
bilong Aba, Norm
Salter i ting pait bi-
long Aba na Sempian
Predoza bai kamap
long Sarere Novemba
17, long Mosbi.
Mista Salter i tok
Pedroza bai kam long
Mosbi long mun
Novemba. Aba i
trenim masel bilong
em - wantaim Wili
Tarika bilong Fiji na i
winim Tarika long
poin tasol.

Tupela i pait long
traipela san tru na
tuhai i bagarapim tu-
pela stret. Aba i hol-
im yet dispela namba
bilong em ol i kolim
Komonwelt Junia
Laitwet.

Aba i namba 10
long Wol long namba
ol i kolim Feda Wet.

● Ben Skorplo

Tuhai i bagarapim
tupela tasol tupela
hamarim yet. Wili
Tarika i laik givim
Aba long het tasol
abrus na maus bilong
em i paia. Ol i pait
long Fiji na Aba i win.



AIR NIUGINI

THE NATIONAL AIRLINE OF PAPUA NEW GUINEA

HELPIM KANTRI GOHET



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.